



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Vericensi & Episcopo Pandensi, & Cantori sancti Pauli
Constantinopolitani.

urn:nbn:de:hbz:466:1-20020

quia quod de ipso propositum est non possumus sub dissimulazione transire, Legato quem Constantinopolim in proximo destinare proponimus dabimus in mandatis ut utriusque partis rationes & probations audiat diligenter, & causam plenè instructam ad nos remittere non postponat, quod si clerici memorati in probatione defecerint, & tu nihil volueris confiteri, quia super hoc non modicum infamias, canonicam tibi purgationem indicat, & sive in purgatione defeceris, sive potueris te purgare, haec nobis per litteras suas fideliter exponere non omissat, ut super omnibus post ejus relationem instructi, prout procedendum fuerit procedamus. Super sexcentis autem hyperperis venerabili fratri nostro Episcopo Salimbrensi & dilecto filio electo Haraclieni & Cantori sanctæ Sophiæ causam committimus sub hac forma, ut te ad refundenda hyperpera quæ vel de procuratione Cardinalium te subtraxisse vel de parte clericorum occupasse constiterit, per censuram ecclesiasticanam sublatu appellatio nis impedimento justitia mediante compellant. Ceterum licet ex eo quod sub periculo causa tua cum clericis ipsis compromiseras in Legatum, & mandatum ejus postmodum non servasti, per tuam inobedientiam eorum tibi videaris obedientiam subtraxisse, cum super obedientia quæstio verteretur, volentes tamen tibi gratiam exhibere, clericis ipsis injunximus ut usque ad prædictum terminum obedientiam tibi exhibeant debitam & devotam, eam tibi, si obedientiae filius fueris, extunc etiam impensuri, & subtrahenti eandem, si forsan inobediens fueris & rebellis, utpote ab officio & beneficio apostolice sedis auctoritate suspenso. Ab impetitione vero clericorum sanctæ Anatolii super columnis marmoreis quas de ipsorum Ecclesia ad Ecclesiam sanctæ Sophiæ translatisse diceris ad ornatum altaris, te reddimus absolutum. Super eo vero quod Ecclesiam sanctæ Sophiæ multis milibus marcharum diceris spoliassie, si res ita se haber, taliter per te ipsum corrigas quod fecisti quod justa de te non remaineat materia conquerendi, provisurus attentius ne de cetero manus ad hujusmodi thesaurum extendas, nisi forte tanta tibi necessitas immineret ut deficientibus necessariis aliunde, aliquid inde, moderata tamen, te accipere oporteret; quia quin detestabile ac damnabile in Prælatis Ecclesiarum crimen dilapidationis exi-

Tom. II.

stat, tuam non credimus prudentiam ignorare. Datum Laterani viii. Kal. Maij, anno undecimo.

*E P I S C O P O V E R I C E N S I
& Episcopo Panideni, & Cantori sancti
Pauli Constantinopolitanus.*

Procatoribus venerabilis fratris nostri Patriarchæ Constantinopolitanus & dilectorum filiorum clericorum de parte peregrinorum Constantinopoli comorantium in nostra presentia constitutis, & in publico consistorio audiencia eiusdem indulta, ex parte clericorum ipsorum fuit propositum coram nobis quod ante occupationem regiae civitatis Veneti cum Francis Ecclesiarum spolia & possessiones ecclesiasticas dividere conjurarunt, jurantes hoc etiam quod si Franci haberent imperium, patriarchatum Veneti obtinerent, & si patriarchatus forsan deveniret ad Francos, imperium in partem cederet Venetorum. Vnde Veneti ad servandum hujus unitatis vinculum in posterum sibi providere volentes & hereditate sanctuarium Domini possidere, à Patriarcha, cum à presentia nostra recederet, exegerunt & receperunt hujusmodi juramentum, ne videlicet in Canonicum sanctæ Sophiæ quemquam admitteret qui non esset Venetus natione vel apud Venetas per decennium commoratus, omnesque Canonicos in receptione sua jurare compellere quod in Canonicum nullum recipieren t qui non praestaret simile juramentum, & quod non eligerent nisi de Venetis Patriarcham. Hoc quoque ipsum bona fide promisso dicebant, quod studium & operam diligentem impenderet & quantum in se foret efficaciter laboraret ut in tota Romania nec Episcopus nec Archiepiscopus nisi Venetus crearetur. Licet autem id in partibus Constantinopolitanis sit notum & Venetiis notissimum, ut dicebant, & apud nos jampridem fama vulgatum infami, denuntiando tamen hoc sedixerunt congruo tempore probaturos. Praeterea cum dilectus filius noster Benedictus tituli sanctæ Susannæ Presbyter Cardinalis, tunc apostolice sedis Legatus, Constantinopolim advenisset ut pacem inter ipsos, ad quam evangelizandam misericordia fuerat, reformaret, pro concordia interposuit partes suas, & sic apud partes efficaciter laboravit quod in eum fuit ab eis pariter compromissum, dicto Patriarcha sub cause periculo promittente, illis autem juramento firmantibus quod quic-

*Epi. 77.
De codem ar-
gumento.*

Y

170 Epistolarum Innocentij III.

quid inter ipsos per concordiam, arbitrium, vel judicium ordinaret, inviolabili observarent. Volens igitur Cardinalis more boni judicis lites minuere, non augere, ipsi Patriarchæ præhabita deliberatione præcepit ut clericos ipsos in Ecclesiis in quibus erant pro institutis haberet, & iip̄is injunxit ut ei tamquam Patriarchæ suo reverentiam & obedientiam debitam exhiberet, ordinatione sanctæ Sophiæ, super qua, sicut Clerici afferebant, in eum similiter fuerat compromissum, ad tempus ex necessaria causa dilata, super qua tamen hoc tunc Patriarchæ sub periculo cause mandavit, ut quod ipse postmodum statueret super ea humiliiter reciperet & servaret. Et licet iudicem clerici, tamquam obedientia filij, mandatum Cardinalis sine dilatione qualibet fuerint executi, Patriarcha tamen sua promissionis oblitus, cùm Legatus quoddam institueret Canonicos in Ecclesia sanctæ Sophiæ, eique districtiū præcepisset ut tam eos quam illos quos dilectus filius noster Petrus tituli sancti Marcelli Presbyter Cardinalis, apostolica sedis Legatus, instituerat in eadem, sine contradictione recipere & præbendas pacificè faceret possidere, id efficere non curavit, propter quod ei, qui per inobedientiæ virtutem causæ sua incurrit detrimentum, obedientiam subtrahentes, ad sedem apostolicam appellarent, festum nativitatis dominicæ proximò præteritum appellatione sua terminum præfigentes; ad quem Patriarcha etiam postmodum appellavit. Ceterum à procuratoribus Patriarchæ fuit propositum ex adverso quod mandatum præfati Legati super ordinatione sanctæ Sophiæ non potuerat aut debuerat executioni mandari, cùm super hoc Canonicus ejusdem Ecclesiæ ad sedem apostolicam appellasset, nec id posset sine multo Venetorum scandalo adimpleri. Præterea cùm mandatum eidem Legato fuisset ut si Patriarcha Ecclesiam supradictam ordinare negligereret vel differret, ipse procederet ad ordinationem ipsius, & Patriarcha jam in ea juxta proprias facultates competenter Canonorum numerum statuisset, auctoritate mandati nostri nullos instituere poterat in eadem. Licet autem procuratores ipsi quod de juramento propositum fuerat penitus denegarent, nos tamen audiimus à quibusdam quod cùm Veneti Patriarcham ad præstandum illud vehe menter arctarent, & negato sibi passa-

gio, civitatis etiam prohiberent egressum, nec vitare posset instantiam creditorum, quibus juramento præstite tenebatur, non nisi cum hujus clausula adjectione juravit, *salvo in omnibus apostolica sedis jure, auctoritate, reverentia & honore*. quod Veneti tamen in instrumento super hoc confeceo non permiserunt apponi. Quia ergo, sicut nobis à Domino dicitur per Prophetam, solvere debemus colligationes impietatis, solvere fasciculos deprimentes, omnes pactiones, constitutions, & conjurations de rebus ecclesiasticis in Ecclesiis dispendium à prædictis laicis attentatas vel in posterum attentandas omnino castamus, & sub interminatione anathematis præcipimus non servari. Ad hæc eidem Patriarcha in virtute obedientiæ districtiè præcipiendo mandamus ut si spontaneus recognoverit se juramentum hujusmodi præstisse, infra duos menses post susceptionem litterarum tam clero Constantinopolitano quam Archiepiscopis & Episcopis quos præsentes habere poterit convocatis, publicè juramentum illud abjuret, & quod ipsum non servet in posterum præstet similiter publicè juramentum, Canonicos sanctæ Sophiæ ad abjurandum hujuscemodi juramentum quod fecisse dicuntur, & jurandum quod illud de cetero non observent, per suspensionem officij & beneficij appellatione remota compellens, Canonicos quoque in Ecclesia sanctæ Sophiæ à prædictis Cardinalibus canonice institutos usque ad eundem terminum recipiat in eadem & canonicas suas faciat pacificè possidere, Clericos & laicos resistentes tam nostra quam sua fretus auctoritate per censuram ecclesiastica appellatione postposita compescendo; quod si forsan in aliquo prædictorum, quod tamen non credimus, negligens fuerit vel remissus, ex tunc ab officio & beneficio noverit se suspensus. Quocirca discretioni vestrae per apostolica scripta mandamus quatenus eo in executione mandati nostri cessante, suspensionem ipsius publicare ac in ceteris exequi mandatum apostolicum procuretis, contradictores, si qui fuerint, vel rebellis sublatu cuiuslibet contradictionis & appellationis obstaculo per censuram ecclesiastica coherentes. Quod si non omnes &c. duo &c. Datum ut in alia.

